

中國方志叢書·華中地方·第八八三號

據

清·李其昌纂修
清乾隆二十五年刊本

影印

江 西 省

蓮花廳志

(三)

成文出版社有限公司印行

中華民國七十八年三月臺一版

蓮花廳志

全三冊

發行人：黃

成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二一九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

東洋文庫提供所藏稿本

本書承

東洋文庫提供所藏稿本
謹誌並致謝忱

謝志

(三)

蓮花肩志卷之八上

同知西蜀李其昌輯

藝文志

詩勅
傳記

奏疏
辯論

序跋

鑒坡視草王言如絲白簡飛霜臣心似水此實有關於國
體不徒富麗矜長也若蘭亭以右軍得名滕閣因子安見
重三策發天人之旨二銘闡心性之宗謝草周蓮盡成佳
構韓潮蘓海共賞奇文凡登翰墨之林必脩琳瑯之選乃
江右爲人文淵藪而蓮廳亦風雅可觀壺嶠鍾靈琴川毓
秀才堪倚馬句或驚人兼拔其尤登之青簡將寸珠照乘
以無難尺璧連城而重價以壽名山而藏石室洵在茲乎

康熙二十三年九月二十五日奉

天承運

皇帝制曰資父事君臣子効匪躬之誼作忠以孝國家
宏錫額之恩爾李中桂乃候選府通判李正蔡之父
善積於身祥開厥後教子著義方之訓傳家裕堂構
之遺茲以爾子遵例拜爵贈爾爲承德郎候選府通
判錫之勅命於戲殊榮必逮於所親寵命用光夫有
子承茲優渥永苾忠勤

制曰抒悃奉公嘉教勞之有自推恩將母宜錫典之攸
隆爾候選府通判李正蔡母朱氏壺範宜家風協承

筐之媼母儀詒穀載昭畫荻之芳茲以爾子遵例拜
爵贈爾爲安人於戲彰淑德於不瑕式榮象服膺寵
命之有赫永賁泉壚

奉

天承運

皇帝制曰錫類推恩朝廷之大典奉公効力臣子之常
經爾候選府通判李正茶賦質純良持身恪謹佇服
官之奏績先報國以抒誠忱惻克昭新綸宜賁茲以
遵例拜爵授爾爲承德郎錫之勅命於戲宏敷章服
之榮用勵靖共之誼欽茲寵命懋乃嘉猷

制曰恪恭報國良臣既殫厥心貞順宜家淑女爰從其
貴爾候選府通判李正棻妻賀氏含章協德令儀夙
著於閨閨黽勉同心內治相成於夙夜茲以爾夫遵
例拜爵封爾爲安人於戲龍章載煥用褒敬戒之勤
翟第欽承益勵柔嘉之則

雍正元年八月十三日奉

天承運

皇帝制曰治本在親民之吏端重循良教忠勵資敬之忱
聿隆褒獎爾李芳春乃浙江處州府龍泉縣知縣李猶
龍之父提躬淳厚垂訓端嚴業可開先式穀乃宣猷之

本澤堪啓後貽謀裕作政之方茲以覃恩贈爾為文林
郎知縣於戲克承清白之風嘉茲報政用慰顯揚之志
昭乃遺謨

制曰朝廷重民社之司功推循吏臣子凜冰淵之操教本
慈悌爾浙江處州府龍泉縣知縣李猶龍之母史氏淑
慎其儀柔嘉維則宣訓詞於朝夕不忘育子之勤集慶
澤於門閭式被自天之寵茲以覃恩贈爾為孺人於戲
仰酬顧復之恩勉思撫字載煥絲綸之色永賁幽潛
奉

天承運

皇帝制曰分符百里必遴出宰之材報最三年爰重懋官
之典爾浙江處州府龍泉縣知縣李猶龍雅擅才能克
宣慈惠撫綏有要常深疾痛在己之心懷保無窮不忘
顧復斯民之責茲以覃恩授爾爲文林郎錫之敕命於
戲前勞已茂用褒製錦之能來軫方道益勵飲氷之操
制曰良臣宣力於外効厥勤勞賢媛勲職於中膺茲寵錫
爾浙江處州府龍泉縣知縣李猶龍之妻吳氏終溫且
惠既靜而專綦縞從夫克贊素絲之節蘋蘩主饋爰流
彤管之輝茲以覃恩贈爾爲孺人於戲敬爾有官著肅
雍而並美職思其內昭淑慎之遺徽

按志紀概以年代爲序誥勅自我

朝典制不敢以年代編謹錄以冠諸首云

明景帝賜楊曠平勅曰仁育萬物上帝有生生之心利濟
兆民中澤鮮嗷嗷之衆惟國家預籌夫補救斯閭閻共
樂其休和爾楊曠平遵例興發好善樂輸伏處巖阿不
忘顧復自我之責出宰民社諒深疾痛在已之懷茲以
覃恩授爾爲宣義郎錫之勅命於戲大義聿昭早嘉奉
公之不怠前勞已茂用彰國典以非私

景泰三年十一月

明憲宗賜劉岳常勅曰國家施仁養民爲首今之守令或
不能奉承有厲民者所在奸民豪奪鄉里以肥其家恬

無慚畏爾於饑歲能出穀賑濟及捐已貲納馬大同有
司上聞朕實嘉之今遣行人賁勅授爾宣義郎賜爾冠
帶勞以羊酒免本戶雜派差役三年尚永蹈忠厚表厲
鄉俗用副朝廷褒嘉之意欽哉

成化二十
年十二月

明神宗賜劉陞勅曰質行之士脩之如不足而積之為有
餘國章所錄天道所右皆是物也爾遙授大通關提舉
劉陞乃禮部主客清吏司主事元卿之父入貲不為祿
仕出粟克振歲饑鄉評目以善人長吏推為約正維誠
維厚克篤家祥卷我皇郎繁而肖子茲贈爾為承德郎
禮部主文書司主事庶幾遺德用勵澆風

神宗賜劉陞妻彭氏勅曰詩禮有訓微獨庭之嚴也勞以
成慈惠在折藁故疏賞均焉爾遙授大通關提舉劉陞
妻彭氏乃禮部主客清吏司主事元卿之母家閑孝烈
性賦端莊順不忘規有家宜之食而能教有子展之鐘
鼎方來栝卷既往茲贈爾爲安人式賁淑靈永流惠問

萬歷二十
五年五月

明神宗賜劉元卿勅曰朕寤寐賢雋以天下羅之猶虞逸
焉則搜求巖穴與共天位乃績底明亦克愜於朕志爾
禮部主客清吏司主事劉元卿力學古人直言世事忤
時遠引物論歸賢朕特試爾於辟雍多士以爲楷乃擢

佐客部大夫而爾信足乎頑明能紀遠式揚文德讓彼
要荒朕甚嘉之茲以歲滿授爾階承德郎錫之勅命朕
聞之君子難進進不隱賢易不云乎井渫用汲王明受
福朕業爲汲矣爾尚究而之所爲福者欽哉

明神宗賜劉元卿妻陳氏勅曰自昔高尚之士必有以德
齊曜者一旦登庸即佩與紱俱宜已爾禮部主客清吏
司主事劉元卿妻陳氏夙以女士宜於君子公車太跡
惟爾偕之隱客部揚芬惟爾佐之脩茲封爾爲安人祇
服恩華益敦順正

萬歷二十
五年五月

明神宗賜江卓勅曰士人游優里閑詎意廟廊之寵數哉

乃竟以子貴焉蓋蓄德既幽獲福愈顯是天之道豈國
之有私爾江卓乃鴻臚寺序班爾海之父受氣淳龐提
躬質直居貞履坦自安樂澗之遊重節矜名允洽鄉閭
之望乃簾經以課子能束帶而立朝爾之顯庸始基而
爾之壽祺尚未有艾茲以覃恩封爾爲登仕郎鴻臚寺
序班式獎潛脩永綏寵服

萬歷三十四年四月

明懷宗賜朱戡勅曰仁恕之化幹父有終詩禮之遺有子
无咎故蠖屈于身而駿發于子詎獨天道相酌夫亦昭
謀孔碩爾儒官朱戡廼福建邵武府推官朱士景之父
仁心爲質義問用昭集苞思執黍之勤循陔有採蘭之

詠荆枝載茂棟莠重輝然諾重於邱山取子貞于介石
廉吏可爲式穀已券于他日清風足表樹鑣更振于當
年爰啓丹筆之英式慰白華之養教忠倍篤寵錫維新
茲用贈爾爲文林郎福建邵武府推官廷綸式貢於九
原廟祀永光乎奕世

明懷宗賜朱戡妻金氏勅曰古人斷獄平反多奉母訓然
豈必生存爲然哉貽哲自初藥言在耳有能敬承而光
大之母雖死猶生也爾金氏廼福建邵武府推官朱士
景之母柔嘉婦德聖善母儀甘澹薄以佐儒風篤愛勞
而襄義訓爾子慈祥折獄有不疑之風爾真可謂雋母

矣茲特贈爾為孺人匪直為幽壤之光亦以慰終天之

憾

崇禎元年三月

明懷宗賜朱士景勅曰周制民有寃而長弗達者立於肺
石使士聽其辭罪之今郡國長吏爰書一惟理官是聽
必明而允乃稱此官爾福建邵武府推官朱士景才猷
敏練志行端醇合鸞鳳之正音動諧律呂有驥騏之逸
步迥出塵埃擢自鄉閭試為郡理必其緣經輔律度理
準情庶幾吏無舞文民無寃獄先期寵錫後效可符茲
以覃恩授爾階文林郎錫之勅命邵武居四州之上游
惟樵川山水清曠民俗有彬彬儒雅之風惟茲祥刑實

在理官左右厥長刑期無刑惟明惟慎其惟山火惟空
惟平其惟鑒衡欽哉無替朕命

明懷宗賜朱士景妻汪氏勅曰用法之吏貴廉明而宜家
之配資仁淑古有丹筆論囚而妻執燭相向恐其或濫
者朕嘗念之重之爾福建邵武府推官朱士景妻汪氏
稟範衿褊揚芬沼沚女德夙嫻惟辟疆泝洸之是甘婦
順不違庶然膏繼晷之相助孝恭脩職宏篤中饋之勞
仁恕興勵門刑之績是用封爾為孺人祇遵龍章

益修燕傲

崇禎元
年三月

奏疏